

## ÁKVÖRÐUN FRAMKVÆMDASTJÓRNARINNAR

2010/EES/50/03

frá 26. febrúar 2009

um breytingu á ákvörðun 1999/217/EB að því er varðar skrána yfir bragðefni sem eru notuð í eða á matvælum (\*)

(tilkynnt með númeri C(2009) 1222)

(2009/163/EB)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 2232/96 frá 28. október 1996 um að ákveða málsmeðferð Bandalagsins varðandi bragðefni sem eru notuð eða fyrirhugað er að nota í eða á matvælum <sup>(1)</sup>, einkum 2. mgr. 3. gr.,

og að teknu tilliti til eftirfarandi:

- 1) Í reglugerð (EB) nr. 2232/96 er mælt fyrir um aðferðir við setningu reglna að því er varðar bragðefnin sem eru notuð eða fyrirhugað er að nota í matvælum. Í þeirri reglugerð er kveðið á um að samþykkt verði bragðefnaskrá (hér eftir nefnd skráin) í kjölfar tilkynningar aðildarríkjanna um skrá yfir bragðefni sem nota má í eða á matvælum sem eru seld á yfirráðasvæði þeirra og á grundvelli athugunar framkvæmdastjórnarinnar á þeirri tilkynningu.
- 2) Í reglugerð (EB) nr. 2232/96 er enn fremur kveðið á um áætlun um mat á bragðefnunum (matsáætlunin), sem eru talin upp í skránni, til að kanna hvort þau eru í samræmi við almennu viðmiðanirnar um notkun bragðefnanna sem eru tilgreindar í viðaukanum við þá reglugerð. Í reglugerð (EB) nr. 2232/96 er kveðið á um að þeir sem bera ábyrgð á því að setja bragðefnin á markað skuli senda framkvæmdastjórninni nauðsynleg gögn til þess að mat á þeim geti farið fram. Í þeirri reglugerð er einnig kveðið á um að í kjölfar matsáætlunarinnar verði samþykkt skrá yfir bragðefnin, sem heimilt skal að nota, jafnframt því sem önnur eru útilokuð.
- 3) Framkvæmdastjórnin samþykkti með ákvörðun 1999/217/EB <sup>(2)</sup>, samkvæmt reglugerð (EB) nr. 2232/96, skrá yfir bragðefni sem eru notuð í eða á matvælum.

- 4) Í reglugerð framkvæmdastjórnarinnar (EB) nr. 1565/2000 frá 18. júlí 2000, þar sem mælt er fyrir um nauðsynlegar ráðstafanir vegna samþykktar matsáætlunar við beitingu reglugerðar Evrópuþingsins og ráðsins (EB) nr. 2232/96 <sup>(3)</sup>, er kveðið á um að sá sem er ábyrgur fyrir því að setja tiltekin bragðefni í skránni á markað leggi fram tilteknar upplýsingar til þess að mat á efninu geti farið fram.
- 5) Ekki hafa verið lagðar fram upplýsingar um 148 bragðefni né heldur hefur framkvæmdastjórninni verið tilkynnt um fyrirætlanir um að þess háttar upplýsingar verði lagðar fram. Þess vegna er ekki unnt að meta þessi efni með tilliti til þess hvort þau eru í samræmi við almennu viðmiðanirnar um notkun bragðefna sem settar eru fram í reglugerð (EB) nr. 2232/96. Til samræmis við það ber að fella þessi bragðefni brott úr skránni.
- 6) Við beitingu reglugerðar (EB) nr. 2232/96 og tilmæla framkvæmdastjórnarinnar 98/282/EB frá 21. apríl 1998 um það hvaða leiðir aðildarríkin og ríki, sem hafa undirritað samninginn um Evrópska efnahagssvæðið, skuli fara til að vernda hugverkarétt í tengslum við þróun og framleiðslu bragðefna, sem um getur í reglugerð Evrópuþingsins og ráðsins (EB) nr. 2232/96 <sup>(4)</sup>, hafa tilkynningar aðildarríkin, að því er varðar ýmis efni, farið fram á að efnin skuli skráð á þann hátt að hugverkaréttindi framleiðanda þeirra verði vernduð.
- 7) Vernd þessara efna, sem talin eru upp í B-hluta skrárinnar, takmarkast við tímabil sem er í mesta lagi fimm ár frá þeim degi þegar tekið er á móti tilkynningunni. Það tímabil er nú liðið að því er varðar fjögur eftirstandandi efni sem skulu þar af leiðandi flutt yfir í A-hluta skrárinnar.
- 8) Því ber að breyta ákvörðun 1999/217/EB til samræmis við það.
- 9) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um matvælaferlið og heilbrigði dýra.

(\*) Þessi EB-gerð birtist í Stjtið. ESB L 55, 27.2.2009, bls. 41. Hennar var getið í ákvörðun sameiginlegu EES-nefndarinnar nr. 4/2010 frá 29. janúar 2010 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá EES-viðbætur við Stjórnartíðindi Evrópusambandsins nr. 19, 22.4.2010, bls. 9.

<sup>(1)</sup> Stjtið. EB L 299, 23.11.1996, bls. 1.

<sup>(2)</sup> Stjtið. EB L 84, 27.3.1999, bls. 1.

<sup>(3)</sup> Stjtið. EB L 180, 19.7.2000, bls. 8.

<sup>(4)</sup> Stjtið. EB L 127, 29.4.1998, bls. 32.

SAMÞYKKT ÁKVÖRÐUN ÞESSA:

*1. gr.*

Viðaukanum við ákvörðun 1999/217/EB er breytt til samræmis við viðaukann við þessa ákvörðun.

*2. gr.*

Ákvörðun þessari er beint til aðildarríkjanna.

Gjört í Brussel 26. febrúar 2009.

*Fyrir hönd framkvæmdastjórnarinnar,*

Androulla VASSILIOU

*framkvæmdastjóri.*

\_\_\_\_\_

## VIÐAUKI

1. Fyrstu málsgrein viðaukans við ákvörðun 1999/217/EB, sem er svohljóðandi, skal fella brott:

„Skránni yfir efnafræðilega skilgreind bragðefni er skipt í tvo aðskilda hluta. Í A-hluta eru talin upp efni samkvæmt FL-númerum þeirra. Í B-hluta eru talin upp efni sem aðildarríki hefur óskað eftir að farið yrði með sem trúnaðarmál til að vernda hugverkaréttindi framleiðanda.“

2. A-hluta viðaukans við ákvörðun 1999/217/EB er breytt sem hér segir:

- a) Línurnar í töflunni fyrir efnin, sem hafa eftirfarandi FL-númer, falli brott:

01.025	01.062	01.068	01.069	01.071	01.072	01.073	01.074
01.075	01.076	02.053	02.068	02.118	02.129	02.130	02.151
02.163	02.199	02.215	02.232	02.237	02.238	02.244	03.018
03.021	04.060	04.071	04.081	04.083	05.054	05.133	05.135
05.176	05.177	05.200	05.207	05.209	05.210	05.212	05.213
05.214	05.215	06.060	06.068	06.099	06.108	06.113	07.143
07.144	07.145	07.163	07.173	07.174	07.192	07.216	07.241
07.245	07.246	07.252	08.110	08.111	08.126	08.128	09.311
09.384	09.576	09.635	09.654	09.817	09.845	09.853	09.881
09.887	09.896	09.903	09.914	10.041	10.046	10.065	10.071
11.011	11.012	11.013	11.019	11.022	11.024	12.110	12.115
12.186	12.245	12.246	12.247	12.248	12.250	12.260	12.261
12.263	13.036	13.104	13.110	13.121	13.131	13.147	13.156
13.158	13.159	13.164	13.181	13.187	14.090	14.151	14.153
14.156	14.157	14.158	14.162	14.165	14.166	15.041	15.046
15.053	15.059	15.065	15.073	15.075	15.095	15.100	15.101
15.104	15.105	15.117	15.121	15.122	15.123	15.124	16.050
16.064	16.065	16.066	16.067	16.068	16.069	16.070	16.078
16.079	16.084	16.085	17.009				

- b) Eftirfarandi línur er bætt við í töflunni:

FL-númer	Efna flokkur	CAS-númer	Heiti	Fema-nr.	CoE-nr.	EINEC S-nr.	FL-númer	Samheiti	Kerfisbúndið heiti	Athugasemdir
„09.929	8	22062-1-22-7	L-mónóment ýlgútárat	4006			09.929			
03.023	16	1608-72-6	1-etoxyetýlas etat	4069			03.023			
16.083	30	446-71-9	2-(4-hýdroxý-3-metoxýfenýl)-5,7-dihýdroxýk rómanón				16.083			
07.250	5	3916-64-1	3,5-heptadien-2-ón				07.250 <sup>44</sup>			

3. B-hluti viðaukans við ákvörðun 1999/217/EB falli brott.